

KUGLAŠKI SAVEZ BIH
UO KS BIH
Komesar takmičenja
Dana, 26.04.2022. godine.

PROPOZICIJE **pojedinačnog prvenstva BiH za seniore**

Član 1.

Finale Pojedinačnog prvenstva BiH za seniore održat će se **07/08.05.2022.** godine u Tomislavgradu na kuglani „KONDOR“.

Član 2.

U Finalu pojedinačnog prvenstva BiH nastupa 16 takmičara (po 8 iz KS FBiH i KS RS), koji su nastupili na Pojedinačnim prvenstvima KS FBiH i KS RS i plasirali se na pozicije 1 do 8. Entitetski Savezi će prijaviti po 8 učesnika za Finale Prvenstva BiH, a kod prijave su dužni držati se plasmana igrača iz Finala entitetskih pojedinačnih takmičenja.

Ukoliko neko od takmičara koji je ostvario pravo nastupa, kako je gore navedeno, ne može da nastupi iz bilo kojih razloga dužan je to prijaviti svom matičnom Savezu, a njegovo mjesto popunjava sljedeći najbolje plasirani takmičar sa entitetskog prvenstva. Redosljed (plasman) se u ovom slučaju pomjera.

Član 3.

Nastup igrača određen je prema šemi takmičenja koju ćete dobiti u posebnom prilogu. Igra se prvi krug, svih 16 igrača po plasmanu na entitetskim takmičenjima, od slabijeg ka boljem (raspored nastupa u prilogu). U drugi krug (1/4 finale) ide prvih 8 po rezultatu. U slučaju istog rezultata i plasmanu odlučuje bolje čišćenje, manji broj promašaja. Drugi krug, polufinale i finale se igra po K.O. sistemu (1-8, 2-7,... šema nastupa u prilogu) kombinovano na četiri staze (4 x 30). Ukoliko rezultat u set poenima bude 2:2, pobjednik je igrač koji je oborio više čunjeva. Ukoliko je broj oborenih čunjeva isti, igra se doigravanje, "Sudden Viktory", sa tri hica u pune na stazama gdje su igrači završili posljednju seriju. Ukoliko nakon tri hica nemamo pobjednika, mjenjaju se staze i igrači ponovo bacaju tri kugle u pune.

Član 4.

Takmičenje počinje u subotu 07.05.2022.godine u 11,00 časova, kada se igra Prvi krug i 1/4 finale. U nedjelju, 08.05.2022. godine, igra se polufinale i finale, a početak takmičenja je u 11,00 časova.

Član 5.

Cijena po nastupu za igrače iznosi 12,00 KM i plaća se glavnom sudiji prije početka nastupa.

Član 6.

Pobjednik dobija titulu prvaka BiH u kuglanju. Susret za treće mjesto se neće igrati. Prvak dobija pehar medalju i diplomu KS BiH. Drugoplasirani i dva trećeplasirana igrača dobijaju medalje i diplome KS BiH.

Član 7.

Prijave igrača dostavljaju entitetski savezi na mail darko.lackovic@yahoo.com i Komesaru takmičenja KS BIH do četvrtka **04.05.2022.g. do 24:00h.** U prilogu su plasmani na pojedinačnim prvenstvima entitetskih saveza i šema nastupa.

Član 8.

Igrači nastupaju u sportskoj opremi, majice, šorcevi, sportske čarape i patike, a sudije sude u bijelim košuljama, crnim pantalonama i sportskoj obući.

Član 9.

Takmičarsku komisiju na kuglani čine glavni sudija i sudije na stazama.

Komesar takmičenja
Maja Kovačević

VAŽNA NAPOMENA: Domaćini takmičenja dužni su osigurati da se unutar objekta osiguraju sve propisane epidemiološke mjera dobivene od strane nadležnih institucija u mjestu održavanja takmičenja.